



## Band Ieuencid Cymru 2018

Yn dilyn llwyddiant cystadleuaeth Band Ieuencid Cymru 2016, mae S4C yn falch i gyhoeddi cystadleuaeth **Band Ieuencid Cymru 2018 i fandiau chwyth, pres a jazz i bobol 18 oed ac o dan ar 31.08.2018.** Mae'r pwyslais ar gyflwyniad **safonol ac adloniannol** gyda gwobr gyntaf o **£1,000**. Dyma gyfle unigryw i fandiau ieuencid Cymru ddangos eu doniau disglair ar deledu.

Trefnir y gystadleuaeth gan gwmni Rondo a bydd y rownd derfynol yn cael ei darlledu ar S4C.

Rhaid i bob band gael isafswm o 12 offeryn chwyth/pres ac uchafswm o 5 person sydd ddim yn chwarae offerynnau chwyth/pres e.e. offerynnau taro, piano, drymiau.... Ni chaniateir mwy na 35 aelod mewn unrhyw fand.

Yn dilyn cyfres o glyweliadau sain ledled Cymru gwahoddir 4 Band i ymddangos yn Neuadd Fawr, Prifysgol Abertawe ar **Ebrill 21ain 2018.**

Bydd pob band sy'n cyrraedd y rownd derfynol yn derbyn £250.

Gwahoddir ceisiadau oddi wrth fandiau sy'n deillio o Gymru.

### **Dyddiad cau derbyn ceisiadau: 06.10.17**

Am fwy o fanylion, cysyllter â:

**Swyddfa Band Cymru 2018**

**Rondo, Llawr 9, Ty South Gate, Wood Street, Caerdydd CF10 1EW**

Ffôn: **029 2022 3456**

(Cost galwad arferol, gall y gost fod yn uwch drwy ffôn symudol)

E-bost: **bandcymru@rondomedia.co.uk**

Gweler amodau llawn y gystadleuaeth:

[s4c.cymru/bandcymru](http://s4c.cymru/bandcymru)

[rondomedia.co.uk/bandcymru](http://rondomedia.co.uk/bandcymru)

## 1. Gwrandawiaidau:

Bydd pob band yn cael ei recordio gan beiriannydd sain proffesiynol yn eu cynefin ym mis Tachwedd 2017. Gofynnir i'r bandiau baratoi **rhaglen amrywiol ac adloniannol o 11 - 13 munud o gerddoriaeth.**

Ni chaniateir golygu'r perfformiad, a chaiff pob band gopi CD o'u perfformiad. Yn ddibynnol ar nifer y bandiau yn y lleoliad, mae'n bosib y bydd un set o offerynnau taro, piano a kit drymiau yn cael eu darparu gan drefnwyr y gystadleuaeth at ddefnydd pob band.

Bwriedir **recordio** yn yr ardaloedd canlynol ym mis Tachwedd 2017:

Sul	05.11.17	Caerdydd
Nos Wener	17.11.17	Yr Wyddgrug
Sadwrn	18.11.17	Bangor
Sul	19.11.17	Caerfyrddin
Nos Wener	24.11.17	Hirwaun
Sul	26.11.17	Caerdydd

**\*\*Gall yr amserlen newid yn ddibynnol ar nifer y bandiau yn y gwahanol ardaloedd\*\***

Gwrandewir ar y recordiadau gan banel o feirniaid rhyngwladol, ac fe fydd y bandiau'n cael eu hadnabod fesul rhif, ac nid enw. Y gobaith yw hysbysu pob band o ganlyniad ei gwrandawriad erbyn canol Ionawr 2018, pan y gwahoddir y bandiau llwyddiannus i fynd ymlaen i'r rownd derfynol. Bydd barn y panel beirniaid yn derfynol.

## 2. Y Rownd Derfynol - Neuadd Fawr, Prifysgol Abertawe

### Sadwrn 21.04.18

Gofynnir i'r bandiau berfformio rhaglen o **11- 12 munud** o **gerddoriaeth amrywiol ac adloniannol**. Caniateir un eitem gyda unawdydd lleisiol o fewn y rhaglen, a rhaid i'r darn hwnnw gael ei ganu yn yr iaith Gymraeg. Bydd barn y panel beirniaid yn derfynol.

Erbyn **Chwefror 9ed 2018** gofynnir i'r bandiau:

- Gyflwyno rhaglen y rownd derfynol ar bapur neu trwy ebost.
- Am gopiâu o'r gerddoriaeth
- Manylion am unawdwyr
- Manylion am niferoedd
- Trefn gosod y band
- Cynllun llwyfan manwl gyda phob offeryn wedi ei nodi'n glir.

Caniateir un eitem gyda unawdydd lleisiol o fewn y rhaglen, a rhaid i'r darn hwnnw gael ei ganu yn yr iaith Gymraeg. Ar gyfer y rownd derfynol bydd un set o offerynnau taro, piano a kit drymiau yn cael eu darparu gan drefnwyr y gystadleuaeth at ddefnydd pob band.

Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig. Mae gan S4C yr hawl i ofyn i fand newid y rhaglen os oes problem yn codi gyda hawlfraint darlledu. Os ydych yn defnyddio cyfieithiad sydd heb ei gyhoeddi, mae angen caniatad ar bapur wrth y cyhoeddwyr os gwelwch yn dda ac ni fydd Rondo yn gyfrifol am dalu am yr hawl i gyfieithu'r darn.

Erbyn **Chwefror 23ain 2018** gofynnir i'r bandiau baratoi:

- **recordiad gweledol** (fideo) o'r darnau fel mae nhw'n cael eu cyflwyno ar lwyfan ar ffôn/ipad/dablet.

Mae gan S4C yr hawl i wrthod bandiau i gystadlu os nad ydynt yn cydymffurfio gyda'r amodau.

Bydd Rondo yn trefnu ac yn talu am fysis i'r bandiau gyrraedd Abertawe.

Ni fydd Rondo yn cyfrannu tuag at gost llety yn Abertawe.

Wrth ymgeisio yn y Gystadleuaeth, mae ymgeiswyr yn rhoi'r hawl i Rondo gymryd cofnod o'u manylion cyswllt at bwrpasau gweinyddu'r Gystadleuaeth. Ni fydd Rondo yn trosglwyddo gwybodaeth bersonol ymgeiswyr i unrhyw drydydd parti nac yn defnyddio manylion personol ymgeiswyr at unrhyw bwrpas ar wahân i weinyddu'r gystadleuaeth hon a hyrwyddo cystadleuaeth debyg yn y dyfodol. Defnyddir unrhyw ddata personol sy'n ymwneud ag ymgeiswyr yn unol â deddfwriaeth diogelu data gyfredol y DU. Gweler Polisi Diogelu Data S4C ([http://www.s4c.cymru/production/downloads/guidelines/c\\_polisi\\_diogeludata.pdf](http://www.s4c.cymru/production/downloads/guidelines/c_polisi_diogeludata.pdf)) am ragor o wybodaeth. Caiff data sy'n ymwneud ag ymgeiswyr ei gadw gan Rondo am gyfnod rhesymol wedi'r Gystadleuaeth i gynorthwyo Rondo/S4C i ddelio ag unrhyw ymholiadau.